

PROGRAM PENCEGAHAN CARILAMAT (PREVENTIVE SAR)

Program *Preventive SAR* adalah bertujuan untuk meminimumkan kehilangan nyawa dan merendahkan kadar kemalangan, dan mengurangkan perbelanjaan sumber-sumber SAR dan risiko kepada komuniti maritim. Di antara program yang biasa dijalankan adalah seperti:

- A. Taklimat kesedaran di laut kepada komuniti maritim;
- B. Bersiaran di konti radio, televisyen, media massa dan sebagainya;
- C. Mematuhi peraturan yang berkuatkuasa seperti Boat Rules bagi yang membawa penumpang bagi mengelak berlakunya perkara yang tidak diingini;
- D. Mengedar flyers kepada komuniti maritim; dan
- E. Menjadikan kampung angkat bagi merapatkan hubungan kedua-dua entiti.

Selain itu, langkah-langkah keselamatan yang perlu dititik beratkan semasa hendak atau berada di laut adalah seperti berikut:

- A. Menggalakkan pemakaian jaket keselamatan dan penggunaan peralatan keselamatan;
- B. Menggalakkan penggunaan beacon keselamatan semasa melakukan aktiviti di laut;
- C. Pastikan keadaan vesel selamat dan dalam keadaan baik semasa hendak keluar ke laut;
- D. Sediakan nombor telefon agensi keselamatan/pihak berkuasa;
- E. Membawa alat perhubungan seperti radio dan telefon supaya mudah dihubungi;
- F. Dapatkan laporan cuaca dan buat persiapan sewajarnya bagi menghadapi cuaca buruk; dan
- G. Maklumkan kepada ahli keluarga dan saudara mara lokasi yang dituju serta jangka masa berada di laut.